




ROLEX
OYSTER PERPETUAL
DATEJUST 36




MICHELSEN
ÚRSMÍÐIR

Laugavegur 15 - 101 Reykjavík
511 1900 - www.michelsen.is

MARKAÐURINN

Miðvikudagur 5. október 2016

38. tölublað | 10. árgangur

FYLGIRIT FRÉTTABLAÐSINS UM VIÐSKIPTI OG FJÁRMÁL

»2

Lífeyrissjóðir braggast

Tryggingafræðileg staða lífeyrissjóða hefur batnað talsvert á síðustu árum.

»4

Ábyrgð stjórnarmanna

Svanhildur Nanna Vigfúsdóttir gagnrýnir harðlega sölu stjórnarmanns í Icelandair Group.

»4

Margfaldur gagnahraði

Gagnaveita Reykjavíkur býður nú upp á 1.000 megabita tengingar til heimila. Hraðinn eykst stöðugt.

»8

Velur krefjandi störf

Guðný Helga Herbertsdóttir tekur við starfi markaðsstjóra VÍS eftir ævintýrlegan tíma hjá Landspítala.

»10

Fall Venesúela

Lars Christensen rekur hagfræðilega harmsögu Venesúela sem hann segir skólabókardæmi um vonða hagstjórn.

Skiptar skoðanir um framtíð krónunnar

Forystufólk í stærstu flokkum landsins er ósamála um hvort óbreytt króna, myntráð eða evra tryggi efnahagslegan stöðugleika. » 6



Sjónmælingar eru okkar fag

Tímamantanir í síma:

Optical Studio í Smáralind, 5288500

Optical Studio í Keflavík, 4213811

Optical Studio í Leifstöð, 4250500

Optical Studio

SMÁRALIND • LEIFSTÖÐ • KEFLAVÍK





Stórfyrirtæki eins og Amazon og DHL nýta sér dróna í auknum mæli til heim-sendinga. FRÉTTABLAÐID/GETTY

Nýherji prufukeyrir heimsendingu með dróna

„Okkur langaði sem sagt að prófa að fljúga með vöru milli staða úr verslun okkar. Við sendum Lenovospjaldtölvu úr Borgartúni yfir í næsta hverfi og það gekk snurðulaust fyrir sig, en vitanlega var drónanum fylgt eftir alla leið af þeim sem stýrði honum. Enn sem komið er getum við ekki sett á sjálfstýringu en hver veit hvað gerist í framtíðinni,“ segir Gísli Þorsteinsson, markaðsstjóri Nýherja.

„Við erum einfaldlega að horfa á sprengingu í framleiðslu og sölu á drónum á komandi árum. Gert er ráð fyrir að 2,5 milljónir dróna verði seldar í Bandaríkjunum á þessu ári. Árið 2020 má svo búast við að hátt í 7 milljónir svifi um loftin blá þar á landi, ef marka má Bloomberg,“ segir Gísli.

„Um leið og drónar verða sífellt fyrirferðarmeiri á heimilum, hvort sem það er hér á landi eða úti í

heimi, þá eru mörg fyrirtæki að átta sig á notagildi þessara tækja. Ýmis nafntöguð fyrirtæki úti í heimi hafa prófað dróna við heimsendingar. Við vildum ekki vera eftirbátar, enda segjum við oft að upplýsingatækni-fyrirtæki eins og Nýherji þurfi ávallt að vera með annan fótinn í framtíðinni,“ segir hann.

Gísli segir að þeir sem rýni inn í framtíðina séu nokkuð sannfærðir um að heimsendingar með dróna komi í staðinn fyrir sendla á mótörhjólum eða hjólum á komandi árum úti í hinum stóra heimi. „Allar spár gera ráð fyrir að heimsendingar með dróna verði veruleiki í nánustu framtíð úti í heimi. Við hjá Nýherja teljum okkur hafa góða reynslu af framtíðinni og kannski rekur þessa tæknibyltingu á fjörur okkar áður en langt um líður?“ – sg

Vikan sem leið

5.800

störf

Hollenski bankinn ING hefur tilkynnt um niðurskurð 5.800 starfa í Belgíu og Hollandi á næstu fimm árum til að skera niður kostnað. Hugmyndin er að innleiða hraðar nýja tækni í bankageiranum og vera áfram leiðandi í stafrænu bankaumhverfi. Þessi aðgerð á að leiða til milljarðs dollara, 113 milljarða íslenskra króna, sparnaðar á ári.

4,2

milljónir farþega

Gert er ráð fyrir að flugáætlun Icelandair, dótturfélags Icelandair Group, fyrir árið 2017 verði um 13 prósent umfangsmeiri en á þessu ári. Áætlað er að farþegar verði um 4,2 milljónir á árinu 2017 og muni þeim fjölga um 450 þúsund frá yfirstandandi ári. Flugverður hafið til tveggja nýrra áfangastaða, sem kynntir verða á næstunni.

Staða lífeyrissjóða hefur batnað mikið

Með betra efnahagsumhverfi og hagvexti hefur hagur almennra lífeyrissjóða batnað verulega. Enn vantar mikið upp á skuldbindingar hins opinbera.

Almennir lífeyrissjóðir áttu 3,2% umfram skuldbindingar að jafnaði um síðustu áramót og hefur staða þeirra batnað stöðugt frá árinu 2009 þegar vantaði 10,5% til að mæta skuldbindingum. Á þeim tíma voru réttindi lækkuð, sem skekkir samburð. Árið 2011, sem er samburðarhæft, var staða þessara sjóða neikvæð um tæp fimm prósent.

Verulegur halli er gagnvart skuldbindingum hjá sjóðum sem eru á ábyrgð launagreiðenda, en það eru sjóðir sem eru á ábyrgð opinberra aðila svo sem ríkis og sveitarfélaga. Staða þeirra sjóða er neikvæð um 38% og hefur það hlutfall haldist svipað undanfarin ár.

Í yfirliti FME um stöðu lífeyrissjóða kemur fram að opinberu sjóðirnir skera sig úr hvað varðar neikvæða stöðu sem þýðir að skattgreiðendur framtíðar munu hafa af þeim kostnað. Staða sjóða án ábyrgðar launagreiðenda er misjöfn en að meðaltali eiga þeir sem fyrr segir 3,2% umfram skuldbindingar. Af stærstu sjóðunum er staða Lífeyrissjóðs verslunarmanna sterkust en sjóðurinn á 8,6% umfram skuldbindingar.

„Lífeyrissjóðir án ábyrgðar atvinnurekenda eru í góðri tryggingafræðilegri stöðu,“ segir Þórey S. Þórðardóttir, framkvæmdastjóri Landssamtaka lífeyrissjóða. Samkvæmt lögum ber lífeyrissjóðum að endurskoða réttindi sjóðfélaga fari tryggingafræðileg staða þeirra yfir 10% af skuldbindingum í hvora átt sem er. Sé staðan 5-10% fimm ár í röð þarf einnig að endurskoða réttindi. Verði ávöxtun góð á næstu árum má því gera ráð fyrir að réttindi í mörgum sjóðum verði aukin.



Þórey S. Þórðardóttir, framkvæmdastjóri Landssamtaka lífeyrissjóða.

Tryggingafræðileg staða almennra lífeyrissjóða

2011	-4,9%
2012	-3,7%
2013	-2,3%
2014	0,1%
2015	3,2%

Lífeyrissjóðir án ábyrgðar atvinnurekenda eru í góðri tryggingafræðilegri stöðu.

Þórey S. Þórðardóttir, framkvæmdastjóri Landssamtaka lífeyrissjóða

Umræða er innan lífeyrissjóðanna um hvort breyta eigi aðferðafræði við útreikning á lífslíkum. „Það er ljóst að breytingar á því hafa áhrif á sjóðina og í framhaldinu þarf að ákveða til hvaða mótvegisaðgerða þarf þá að gripa.“

Í dag eru lífslíkur metnar jafnar, en lífslíkur kynslóðanna eru ekki þær sömu og markast umræðan af því að meta lífslíkur rétt milli kynslóða. Þórey segir að stóra málið nú sé jöfnun lífeyrisréttinda milli einkamarkaðar og opinbers markaðar, en fyrir Alþingi liggur nú slíkt frumvarp. „Það væri mikið framfaraskref að ná einu samræmdu lífeyriskerfi fyrir alla landsmenn sem myndi auka til muna sveigjanleika á vinnumarkaði,“ segir Þórey. hafliði@frettabladid.is

Í hópi svölustu vörumerkja

Vörumerki Icelandic Group, Saucy Fish Co, var valið eitt af svölustu vörumerkjum Bretlands.

Árlega er gefinn út listi undir merkinu „CoolBrands“ og er þetta í fjórða sinn í röð sem Saucy Fish Co er valið í hópinn.

Valið fer þannig fram að 36 dómarrar úr hópi sérfræðinga og áhrifafólks og 2.500 manns úr hópi neytenda velja vörumerkin sem hljóta heiðurinn. Samkeppnin er hörð og um sæmdartitilinn keppa þúsundir vörumerkja úr 50 geirum verslunar og framleiðslu.



Vörumerkið Saucy Fish Co nýtur hylli meðal sérfræðinga og almennings í Bretlandi.

Undir merkjum Saucy Fish Co eru seldir kældir sjávarréttir tilbúnir til eldunar fyrir neytendur. Vörumerkið vegur ekki þungt í heildarsölu Icelandic Group, en hefur átt vaxandi vinsældum að fagna meðal neytenda í Bretlandi.

Haft er eftir formanni dómnefndar á heimasíðu félagsins að vörumerkið sýni hugkvæmni og frumleika. Vörumerkið geri vöruna lokkandi sem leiði til þess að neytendur velji vöruna frekar en vöru keppinautanna.

MARKAÐURINN


ÚTGÁFUFLAG 365 miðlar ehf., Skaftahlíð 24, 105 Reykjavík, sími 512 5000

Netfang ritstjorn@markadurinn.is | Sími 512 5000 | Fax 512 5301

Umsjón Hafliði Helgason hafliði@365.is

Ábyrgðarmaður Kristín Þorsteinsdóttir

Netfang auglýsinga auglysingar@markadurinn.is Veffang visir.is



Wi-Fi on board

ER ÞITT FYRIRTÆKI Á FLUGI?

Regluleg ferðalög á vegum fyrirtækisins eru oft nauðsynleg. Það getur því borgað sig að gera fyrirtækjasamning við Icelandair.

ICELANDAIR





LÍFIÐ ER ÞITT FERÐALAG

Gerðu lífið einstakara með Volvo V40 Cross Country

Þú upplifir ævintýri í V40 Cross Country. Hann er aflmikill, stórglæsilegur og veghæðin er mikil. Útlitið er nú orðið enn einbeittara með nýju grilli, nýjum Þórshamar LED framljósum og 17" Keid álfelgum.

Verð frá 4.590.000 kr.

**KOMDU OG SKOÐAÐU
NÝJAN VOLVO V40 CROSS COUNTRY
Í BRIMBORG**

MADE BY SWEDEN
VOLVOCARS.IS



Við hugsum öðruvísi. Menning Svíþjóðar og loftslag hefur mótað okkur. Kannski er það ástæðan fyrir því að fólk hefur alltaf skipt okkur mestu máli. Alveg frá árinu 1927 hefur útgangspunktur okkar verið fólk. Við höfum fundið upp nýjungar sem gera Volvo bíla meðal þeirra öruggustu í heimi með þægindum sem gera aksturinn áhyggjulausan. Við höfum einnig gert þá betri fyrir umhverfið. Framtíðarsýn okkar er að frá árinu 2020 muni enginn slasast alvarlega eða láta lífið í nýjum Volvo. Vertu í fararbroddi með framúrskarandi öryggi, skandinavískum lúxus og sparneytni. Volvo á Íslandi - Brimborg.

Tuttugufalt hraðari tengingar frá 2007

Netsjónvarp, fullkomnari snjallsimar, fjölskyldumyndbönd og myndir í skýi. Allt kallar þetta á hraðari aðgang og meiri gagnaflutninga. Þróunin er líka hröð og kröfur neytenda vaxa hratt. Nú stendur 1.000 megabita tenging til boða.

Frá og með síðustu mánaðamótum býður Gagnaveita Reykjavíkur upp á 1 gígabits tengingu til heimila eða 1.000 megabit yfir ljósleiðara. Erling Freyr Guðmundsson, framkvæmdastjóri Gagnaveitunnar, segir þetta mikla byltingu, en áður var mest hægt að fá 500 megabit og algengar tengingar eru 100 megabit. Þessi breyting nær til þeirra 77 þúsund heimila sem nú þegar tengjast ljósleiðara Gagnaveitunnar.

„Það er mikil eftirvænting hjá fjarskiptafyrirtækjunum að bjóða upp á þessa þjónustu,“ segir Erling og líkir breytingunni við að akreinum í Ártúnsbrekkunni yrði fjölgað í 10 í hvora átt. „Þetta er þjónusta sem stendur öllum sem tengjast ljósleiðaranum til boða,“ bætir hann við, en bendir á að þeir sem fengu tengibox fyrir árið 2012 gætu þurft að endurnýja það fyrir svo hraða tengingu.

En er einhver þörf á þessu? kynni einhver að spyrja. Erling svarar því til að þeim tækjum á heimili sem tengjast neti fari ört fjölgandi. Hvert þessara tækja tekur til sín gagna-magn og það hefur áhrif á önnur tæki. „Notendur finna mikinn mun á hraða og snerpu, þó venjulegt heimili taki ekki til sín mikið af gögnum.“ Hann bendir á að þróun sjónvarpstækni, þar sem mynd- og hljóðgæði verða sífellt meiri, taki til sín mikinn flutning gagna. „Ég get

Það eru í raun engin takmörk á ljósleiðaranum sjálfum og það er góð tilfinning.

Erling Freyr Guðmundsson

tekið dæmi af mínu eigin heimili, þar sem ég er með 23 tæki tengd við netið og enn að bætast við.“

Erling bendir á til dæmis að með hverri kynslóð farsíma aukist þörfin verulega. „Við viðurkennum fúslega að við erum á undan og við segjum að með þessum hraða séum við tilbúin fyrir næstu kynslóð síma.“ Hann bætir við að þörfin vaxi hratt. „Netflix og sjónvarpssendingar í háskerpu ásamt geymslu gagna svo sem myndalbúms fjölskyldunnar í skýi og upphleðsla myndbanda á Facebook gerir það að verkum að fólk vill sífellt hraðari tengingar.“

Erling segir að kosturinn við ljósleiðaran sé sú að hann geti vaxið áfram með breytingu á endabúnaði. „Það eru í raun engin takmörk á ljósleiðaranum sjálfum og það er góð tilfinning. Gagnaveitan er öflug vél fyrir þjónustufyrirtækin á fjarskiptamarkaði og við erum bara spennt að sjá hvernig þau nýta möguleikana.“

hafliði@frettabladid.is



Erling Freyr Guðmundsson, framkvæmdastjóri Gagnaveitu Reykjavíkur, segir í raun engin takmörk á hraða tenginga yfir ljósleiðara. Frá síðustu mánaðamótum er 1.000 megabita tenging í boði.

merking
...framleiðir

Smyrlabjörg
Nóntora
Bjarkalaug
Höfnin

Umferðarmerki og skilti...
Viðarhöfða 4 www.merking.is Sími: 562-7044

Ábyrgð stjórnarmanna



Svanhildur Nanna Vigfúsdóttir fjárfestir

Hlutabréfaviðskipti Katrínar Olgu Jóhannesdóttur, stjórnarmanns í Icelandair hf., vöktu heldur betur athygli mína síðastliðinn föstudag. Katrín Olga selur 400.000 hluti í Icelandair hf. eða stærstan hluta stöðu sinnar í félaginu. Í fyrstu var ég undrandi en síðar reið. Reið vegna þess að Katrín Olga er stjórnarmaður í Icelandair og þar með skilgreindur fruminnherji í félaginu. Hún selur í félaginu á síðasta degi 3. ársfjórðungs sem hefur sögulega verið stærsti og mikilvægasti fjórðungur Icelandair og 28 dögum áður en uppgjör félagsins verður birt. Það hefur tíðkast hér á landi og er algengt erlendis að hjá skráðum félögum séu skilgreind ákveðin tímabil, sölugluggi (e. trading window), þar sem innherjum er heimilt að kaupa og selja bréf. Sá viðskiptagluggi er yfirleitt stutt tímabil eftir að ársfjórðungs-uppgjör hefur verið birt því þá hefur markaðurinn verið upplýstur um verðmetandi upplýsingar og situr við sama borð og skilgreindir fruminnherjar.

Sést hvar hagsmunir liggja

Í stóru skráðu fyrirtæki eins og Icelandair væri eðlilegt að reglulegir stjórnarfundir væru á eins til tveggja mánaða fresti og séu fundir ekki haldnir einhverra hluta vegna ættu stjórnarmenn að vera vel upplýstir um rekstrarþróun félagsins með mánaðarlegri skýrslugjöf til stjórnar. Starfi stjórn Icelandair með eðlilegum hætti ætti enginn vafi að leika á því að Katrín Olga átti viðskipti með bréf sín í Icelandair á sama tíma og fyrir lágu innherjaupplýsingar. Það breytir engu hvort uppgjör félagsins á 3. ársfjórðungi verði á áætlun eða með fráviki því stjórn og aðrir fruminnherjar eru einir

um að vita það. Hverjar sem reglur fyrirtækisins eru þá er það alltaf á ábyrgð viðkomandi að eiga ekki viðskipti þegar fyrir liggja innherjaupplýsingar.

Telji hún sig ekki hafa búið yfir innherjaupplýsingum þá blasir við önnur og enn verri mynd, en það væri að stjórn Icelandair væri ekki að vinna vinnuna sína og væri einfaldlega ekki upplýst um framgang og þróun félagsins á 3. ársfjórðungi. Hvort sem um ræðir þá er það algjörlega óásættanlegt fyrir hluthafa félagsins. Henni sem stjórnarmanni í félaginu ber að hafa hagsmuni félagsins að leiðarljósi umfram eigin hagsmuni. Útskýringar hennar sjálfar um að hún hafi þurft að selja því hún sé að byggja sér sumarþústað eru of lýsandi um hvar hagsmunir hennar liggja.

Því miður kemur þetta mér ekki mikið á óvart og í mínum huga var þetta bara spurning um tíma, hvernær upp kæmi hagsmunaárekstur milli atvinnustjórnarmanna og annarra hagsmunaáðila hjá skráðum félögum.

Ekki góðir stjórnarhættir

Áhersla ákveðins sérhagsmunahóps á innleiðingu góðra stjórnarháttanna, að hluta, í íslenskt atvinnulíf hefur verið áberandi á síðustu misserum. Ég tala um innleiðingu að hluta því hugmyndafræðin um góða stjórnarhætti er góð en birtingarmynd þeirra og áherslur hér á landi bera þess merki að valið hafi verið úr það sem þótti henta. Til hefur orðið ný starfsgrein, sem ég vil kalla atvinnustjórnarmenn, sem náð hefur að markaðssetja réttlætningu þess að lífeyrissjóðir tilnefni viðkomandi í stjórn á grundvelli þess að vera það sem kallað er „óháður“. Þetta sama fólk situr oft í mörgum stjórnum ásamt því að vera í fullu starfi og virðast sumir fagfjárfestar setta sig við að þetta sé eitthvert aukastarf sem krefjast ekki mikils tíma og vinnuframlags. Samhlíða hafa stjórnarlausnir í skráðum félögum hækkað um allt að 70% milli ára og eru meðalstjórnarlausnir um kr. 280.000 á mánuði og oft



Útskýringar hennar sjálfar um að hún hafi þurft að selja því hún sé að byggja sér sumarþústað eru of lýsandi um hvar hagsmunir hennar liggja.

tvöfalt það fyrir formann stjórnar. Ég hef áhyggjur af því að stór hluti stjórna skráðra félaga á Íslandi verði samsettar af fólki sem skortir tíma, hefur takmarkaða framtíðarsýn á reksturinn, er með litla þekkingu á því sviði sem fyrirtækið starfar á og lætur eigin hagsmuni ganga framar hagsmunum fyrirtækisins.

Á sama tíma sjáum við áherslur í samsetningu stjórna hjá stórum erlendum fyrirtækjum vera að þróast í aðra átt. Þar er mikil áhersla lögð á að samsetning stjórna leiði saman fólk sem geti náð árangri saman (e. effective boards) og lagt er upp úr samspili árangurs og ábyrgðar í stjórnarherberginu (e. effectiveness and accountability in the boardroom). Það á alltaf að vera meginmarkmið að fyrirtækin nái sem bestum árangri, hvernig sem sá árangur kann að vera skilgreindur af hluthöfum félagsins. Það að starfa eftir góðum stjórnarháttum er jafn sjálfsagt og að fara eftir lögum og reglum í landinu og hefur að mínu mati ekkert með óháði stjórnarmanna að gera heldur vegur þar þyngra persónur, þekking, reynsla og samsetning stjórnar.

Mér, sem hluthafa í Icelandair hf. og fjárfesti á íslenskum hlutabréfamarkaði, finnst ég geta gert þá kröfu að fólk sem tekur sæti í stjórn skráðra íslenskra fyrirtækja og fer þar meðal annars fyrir öðrum hagsmunum en sínum eigin, viti betur en svo að selja, í félagi þar sem það situr í stjórn, á síðasta degi ársfjórðungsins, það eru ekki góðir stjórnarhættir.

GEFÐU ÞÉR TÍMON



Tímon.is

Færir þér nauðsynlega sýn á mannauðinn



Slakaðu á

Láttu okkur sjá um prentreksturinn

HP PageWide Pro

Prentrekstrarlausnir fyrir bæði stór og smá fyrirtæki

Opin kerfi getur séð um allan rekstur prentumhverfisins sem inniheldur m.a. HP PageWide Pro prentara, rekstrarvöru og alla þjónustu ásamt vöktun sem tryggir að pappír og blek er sent þegar lágmarksstöðu er náð. Fyrir þessa þjónustu og alla rekstrarvöru er greitt fast blaðsíðuverð* á samningstímanum.

Ný PageWide prenttækni frá HP tryggir:

- Hraðvirkari útprentun, allt að 70 bls. á mínútu.
- Ódýrari rekstur, minni bilanatíðni.
- Öruggeri prentun með HP JetAdvantage.
- Umhverfsvænni prentun með betri nýtingu.
- Auðveldari áætlunargerð og kostnaðareftirlit.

Allar nánari upplýsingar á www.ok.is./prentrekstur

*Blaðsíðuverð fer eftir samsetningu samnings og tekur breytingum eftir lengd samnings og hvaða búnað hann inniheldur.



Opin Kerfi // Höfðabakka 9 // 110 Reykjavík // 570 1000 // ok.is



Forystufólk úr sjö stærstu stjórnmálaflokkum landsins tók þátt í pallborði um áherslumál sín í atvinnulífinu á fundi Samtaka iðnaðarins í gær. FRÉTTABLAÐIÐ/GVA

Vilja kjósa um ESB

Fulltrúar sjö stærstu stjórnmálaflokka landsins, utan Sjálfstæðisflokksins, vilja að þjóðin kjósi um áframhaldandi viðræður um inngöngu í Evrópusambandið.

Sæunn Gísladóttir
saeunn@frettabladid.is



Særstu stjórnmálaflokkar landsins telja að efnahagslegur stöðugleiki, fjölbreyttur orkuiðnaður í sátt við umhverfi, og menntun og nýsköpun séu mikilvægustu áherslumálin er varða atvinnulífið. Þetta kom fram á fundi Samtaka iðnaðarins í gær.

Samtökin hafa lagt fram sex málefni sem skipta atvinnulífið og þar með fólkið í landinu miklu máli.

Skiptar skoðanir voru um framtíð krónunnar, hvort myntráð, upptaka evru eða önnur töl í peningastefnu væru lausnin. Jóna Sólveig Elínardóttir, fulltrúi Viðreisnar, talaði fyrir myntráði og sagði að mikilvægt væri að hugsa ekki um lausn hverju sinni heldur líta til stöðugleika til lengri tíma. Össur Skarphéðinsson benti þá á að skýrsla Seðlabankans væri búin að afgreiða myntráð sem ekki besta kostinn, enda væri hann of áhættumikill. Langtímamarkmiðið í stöðugleika væri að taka upp evru Smári McCarthy taldi ákjósanlegt að notast við fastgengisstefnu til að ná því markmiði.

Pólítísk samstaða var að mestu um að lækka tryggingargjald, en svo voru skiptar skoðanir um auð-

Sex málefni sem skipta atvinnulífið máli samkvæmt SI

- 1. Efnahagslegur stöðugleiki**
 - Rekstur fyrirtækja og heimila þrífst best við stöðugleika í verðlagi og gengi.
- 2. Húsnæði**
 - Frá árinu 2009 hefur fjöldi fullgerðra íbúða verið langt undir þörfum markaðarins. Skortur er á ýmsum tegundum húsnæðis.
- 3. Menntun**
 - Menntun og þekking fólks á öllum sviðum er forsenda aukinnar framleiðni, velferðar og verðmætasköpunar.
- 4. Samgöngur og innviðir**
 - Þrátt fyrir myndarlegan hagvöxt síðustu ára er fjárfesting í landinu

enn of lítil. Innviðafjárfestingar styðja við alla aðra uppbyggingu.

5. Orka og umhverfi

- Fyrirtæki eru í lykilstöðu til að bæta nýtingu auðlinda og minnka sóun. Með því að styrkja uppbyggingu fyrirtækja á þessu sviði má leggja stóðir undir sterka atvinnugrein sem fylgir grænni tækni.

6. Nýsköpun

- Drifkraftur verðmætasköpunar og gjaldeyrisöflunar fyrir land og þjóð. Nýsköpun styrkir alla framþróun og því er mikilvægt að unnið sé stöðugt að fjölbreyttri nýsköpun í öllum atvinnugreinum.

lindagjald á fundinum. Fulltrúar allra flokkanna, utan Sjálfstæðisflokksins, sögðust vilja að þjóðin kjósi um áframhaldandi viðræður um inngöngu í Evrópusambandið Teitur Björn Einarsson, fulltrúi Sjálfstæðisflokksins sagði þó þjóðaratkvæðagreiðslu um hvort við göngum inn eða ekki vera mjög álitlega.

Forystufólkið var sammála um nauðsyn á innviðaupbyggingu,

hins vegar voru skiptar skoðanir um fjármögnun hennar, hvort fjármagna ætti uppbyggingu úr ríkiskassanum, með einkaframkvæmd eða blandaðri leið.

Markaðurinn hefur tekið saman helstu skoðanir flokkanna á mál-efnunum sem tekin voru fyrir á fundinum, sem og sex málefni Samtaka iðnaðarins.

saeunn@frettabladid.is

Lilja Alfreðsdóttir, Framsóknarflokkki

Áherslumál af sex málum

SI: Efnahagslegur stöðugleiki og aukin áhersla á nýsköpun.

Framtíð krónunnar: Vantar umboð þjóðarinnar áður en farið er að skoða aðild að Evrópusambandinu og upptöku evru.

Ísland í ESB: Við erum til í þjóðaratkvæði um hvort við göngum inn í Evrópusambandið.

Skattar og fyrirtæki: Lækka tryggingargjaldið, einfalda regluverk og skapa nýja hvata.

Innviðaupbygging: Þörf á að gera betur í innviðaupbyggingu og vera með langtímasýn, þarf að klára að ljósleiðaravæða allt landið og setja meira í vegakerfið.



Við erum búin að sjá núna gríðarlegan vöxt í útflutningi á hugverkaiðnaði. Þetta er ekki takmörkuð auðlind, þetta

er sá iðnaður sem við viljum sjá börnin okkar vinna í í framtíðinni og við eigum að hlúa að honum.

Fjármagn til uppbyggingar innviða: Blönduð fjármögnun, til dæmis með samstarfi við lífeyrissjóði og önnur lönd.

Smári McCarthy, Pírötum

Áherslumál af sex málum SI:

Menntun og efnahagslegur stöðugleiki.

Leið að efnahagslegum stöðugleika: Einbeita okkur að því að flytja út verðmætari varning. Búa til alvöru plön um að laga sameignis- og krónuna.

Framtíð krónunnar: Eina peningastefnan sem hefur skilað okkur hagvexti er fastgengisstefna. Lausnin er eins og hjá Króatíu að hafa lausbindingu við aðra gjaldmiðla.

Ísland í ESB: Til í þjóðaratkvæði um áframhaldandi viðræður.

Skattar og fyrirtæki: Eðlilegt gjald sé tekið af orku og auðlindum, laga gallana í skattkerfinu, uppræta svindl, stöðva kennitölflakk, þunna eiginfjármögnun.



Verðbólguviðmiðin í dag eru ekki að virka nógu vel. Ég held að lausnin eigi að vera eins og hjá Króatíu, að hafa lausbindingu við aðra gjaldmiðla.

Innviðaupbygging: Þarf að byggja upp innviðina í landinu, samgöngur, ferðamannastaði, rafmagn og ljósleiðarasamband.

Fjármagn til innviðaupbyggingar: Grunnþjónusta hjá hinu opinbera, uppbygging ferðamannastaða má vera í höndum einkaaðila.

Össur Skarphéðinsson, Samfylkingu

Áherslumál af sex málum SI: Efnahagslegur stöðugleiki.
Leið að efnahagslegum stöðugleika: Uppþaka evru.
Framtíð krónunnar: Á móti myntráði þar sem sú leið sé of áhættusöm. Með upptöku evru.
Ísland í ESB: Til í þjóðaratkvæði um framtíð aðildarviðræðna.
Skattar og atvinnulíf: Innheimta meira af peningum frá stórútgærdinni, hækka veiðigjald, lækka tryggingargjald.
Innviðaupbygging: Nauðsynleg innviðaupbygging.
Fjármögnun innviðaupbyggingar: Mjög til í blandaðar leiðir, ákveðnar innviðir þurfa að vera fjármagnaðir af ríkinu, t.d. útrýming einbreiðra brúa af hringveginum. Sundabraut má fjármagna með gjöldum eins og tvöföldun Hvalfjarðarganga, lífeyrissjóðurinn getur komið að fjármögnun borgarlínu og léttlestakerfis á höfuðborgarsvæðinu.

●● Það er langtíma-markmið að taka upp evruna og þá skiptir mestu máli að finna fjölda-hreyfingu sem öll hefur það að sameiginlegu markmiði að hafa þjóðaratkvæði um hvort við eigum að halda áfram viðræðum.



Teitur Björn Einarsson, Sjálfstæðisflokknum

Áherslumál af sex málum SI: Nýsköpun og menntun.
Framtíð krónunnar: Þetta þarf að vera í stöðugri þróun. Evra og myntráð hafa sína kosti og galla en við erum ekki á þeim stað ennþá til að gera stórar breytingar.
Ísland í ESB: Til í kosningu um hvort við förum inn.
Skattar og fyrirtæki: Lækka skatta á fólk, lækka tryggingargjaldið, ennþá svigrúm til að fella niður óskilvirka skatta, taka sérstaklega til skoðunar fjármagnstekjur, skoða virðisauka-skattskerfið, laga til í þessum frumskógi sem er gjöld og skattar á bensín, orku og bifreiðar.
Innviðaupbygging: Núna erum við betur fær um að sinna þessu, það þarf að bæta vegakerfið, tvöfalda vegi frá Reykjavík, byggja upp Keflavíkurflugvöll og raforku. Ekki hægt að gera allt í einu til að valda ekki þensluáhrifum.
Fjármögnun innviða: Blönduð leið.



●● Sjálfstæðisflokkurinn mun halda áfram á þeirri braut sem við höfum verið á, að lækka skatta á fólk.

Katrín Jakobsdóttir, Vinstri grænum

Áherslumál af sex málum SI: Orku málin og loftslagsmálin.
Framtíð krónunnar: Jákvætt að fá umræðu um myntráð og evru. Gjaldmiðill er fyrst og fremst tæki.
Ísland í ESB: Til í þjóðaratkvæði um framtíð aðildarviðræðna við ESB og fagnar að fleiri séu til.
Skattar og atvinnulíf: Lækka tryggingargjald, litlar breytingar á skattlagningu fyrirtækja, aukinn auðlindaréttur til þjóðarinnar.
Innviðaupbygging: Innviðir þurfa að vera í lagi til að ungt fólk geti valið sér staðsetningu á því hvar það vill búa og starfa.
Fjármögnun innviðaupbyggingar: Bætt skattfræmnd og bætt skattheimta. Einkafræmnd í lagi í afmörkuðum framkvæmdum, en almennt á hið opinbera að koma að því.

●● Við erum að tala um mat að skattaundanskot á Íslandi séu 80 milljarðar, ef þeir myndu allir skila sér til samfélagsins þá þyrftum við ekki að ræða þetta.



Jóna Sólveig Elinardóttir, Viðreisn

Áherslumál af sex málum SI: Efnahagslegur stöðugleiki.
Leið að efnahagslegum stöðugleika: Myntráð. Að mati Viðreisnar myndi þetta lækka vexti, gera verðtrygginguna óþarfa, draga úr hagsveiflu og lækka verðlagið.
Framtíð krónunnar: Myntráð.
Ísland í ESB: Kjósa fyrst um áframhaldandi viðræður, ef þær halda áfram kjósa þá um inngöngu.
Skattar og fyrirtæki: Einfalda skattkerfið og gera það skilvirkara, grænir skattar, sanngjarnt gjald fyrir afnot af náttúruauðlindum.
Innviðaupbygging: Nauðsynlegt að ráðast í innviðaupbyggingu og þarf að skoða það mjög vel.
Fjármögnun innviða uppbyggingar: Skoða blandaða leið þegar kemur að vegakerfinu.

●● Ég held að við höfum ekki tíma til að biða með þetta. Þetta er eitthvað sem við ættum að hrinda í framkvæmd á tveimur árum, það getur allt breyst.



Þórunn Pétursdóttir, Bjartri framtíð

Áherslumál af sex málum SI: Orku málin.
Framtíð krónunnar: Björt framtíð er alþjóðlega sinnað og frjálslýnt afl. Flokkurinn styður inngöngu í ESB. Eigum að vinna að langtíma markmiði í efnahagsmálum.
Ísland í ESB: Til í þjóðaratkvæði um framtíð aðildarviðræðna.
Skattar og atvinnulíf: Auðlindaréttur til þjóðarinnar, að fyrirtæki borgi fyrir það sem þau nýta.
Innviðaupbygging: Við vitum að innviðakerfið hér er í rúst, ekki einungis vegirnir og heilbrigðiskerfið, önnur kerfi eru einnig fjársvelt, til dæmis skólakerfið; háskólar, leikskólar og grunnskólar landsins.

●● Við eigum að vinna að langtíma markmiðum og hugsun eins og Kínverjar, er það ekki það sem við þurfum að temja okkur?



Í sparnaði getur munað um hvert ár

Stefnir-Samval á 20 ára afmæli!

Stefnir-Samval er einn elsti og fjölmennasti fjárfestingarsjóður landsins, með yfir 4.000 viðskiptavinum. Ef þú vilt byggja upp þinn sjóð til lengri tíma getur verið góð hugmynd að byrja með reglulegan sparnað, 5.000 krónur á mánuði eða meira.

Það er fljótlegt og einfalt að ganga frá því í netbanka Arion banka.




Stefnir-Samval er fjárfestingarsjóður skv. lögum nr. 128/2011. Fjárfestingum í fjármálageringum fylgir ávallt fjárhagsleg áhætta, svo sem hættu á að ekki verði um neina ávöxtun að ræða eða að höfuðstóll tapist. Árangur í fortíð gefur ekki áreiðanlega vísbandingu um árangur í framtíð. Fjárfesting í fjárfestingarsjóðum telst almennt vera áhættusamari fjárfesting en í verðbréfasjóðum. Meiri áhætta er fólgin í rýmri fjárfestingarheimildum sem geta m.a. leitt til minni áhættudreifingar en í verðbréfasjóði. Nánari upplýsingar um sjóðinn, þar á meðal nánari upplýsingar um áhættu við fjárfestingu í hlutdeildarskrifteinum hans, má finna í útboðslýsingu og lykluupplýsingum sjóðsins sem nálgast má á arionbanki.is/sjodir. Auglýsingin er aðeins í upplýsingaskyni og skal ekki litið á hana sem ráðgjöf um að ráðast í eða ráðast ekki í tiltekna fjárfestingu eða tilboð um að kaupa, selja eða skrá sig fyrir tilteknum fjármálageringum. Sjóðurinn er í rekstri Stefnis hf. sem er sjálfstætt starfandi fjármálafyrirtæki. Stefnir hf. rekur verðbréfasjóði, fjárfestingarsjóði og fagfjárfestasjóði skv. lögum nr. 128/2011. Arion banki er helsti söluaðili sjóða Stefnis hf. sem er dótturfélag Arion banka.

ENDURMENNTUN KYNNIR:

THE FUTURE OF MARKET-BASED FINANCE


SHADOW BANKING REGULATORY CONCERNS

 FIM. 13. OKTÓBER

 9:00 - 17:00

MAKING BUSINESS SENSE OF INTEGRATED THINKING

 FÖS. 14. OKTÓBER

 9:00 - 12:00


KENNARI:
SZYMON RADZISZEWICZ
SÉRFRÆÐINGUR FRÁ NYU

NÁNARI UPPLÝSINGAR
OG SKRÁNING Á
ENDURMENNTUN.IS

ENDURMENNTUN HÁSKÓLA ÍSLANDS




Guðný Helga Herbertsdóttir segir mestan frítímann fara í fjölskylduna, þau skíða og ferðast saman, auk þess sem hún kann að meta góð matarboð. FRÉTTABLAÐID/GVA

Hefur alltaf valið sér krefjandi störf

Guðný Helga Herbertsdóttir tekur brátt við starfi markaðsstjóra VÍS eftir að hafa verið deildarstjóri samskiptadeildar Landspítala. Utan vinnunnar ver hún miklum tíma með fjölskyldunni á skíðum og ferðalögum og heldur matarboð.

SVIPMYND

GUÐNÝ HELGA
HERBERTSDÓTTIR

Guðný Helga Herbertsdóttir var á dögnum ráðin markaðsstjóri VÍS og hefur störf þar eftir nokkrar vikur. Guðný Helga mun leiða markaðs- og imyndarstarf VÍS sem og stefnumótun markaðsdeildar. Hún hefur að undanfögnu gegnt stöðu deildarstjóra samskiptadeildar Landspítala, allt frá fyrri hluta árs 2015.

„Þetta er mjög spennandi, mig langaði að breyta til og færa mig meira yfir í markaðsmálin. En ég er þó þeirrar skoðunar að línan þarna á milli sé rosalega fin. Þú verður alltaf að horfa á það sem kemur frá stofnun og fyrirtæki sem eina heild hvort sem maður er almannatengill eða í markaðsdeild,“ segir hún.

Guðný Helga er með BS-gráðu í viðskiptafræði frá Háskóla Íslands og mastersgráðu frá Viðskiptaháskólanum í Árósum í Danmörku. Áður var hún upplýsingafulltrúi Íslandsbanka

Við höfum spilað mikið golf í gegnum tíðina, en forgjöfin fór hressilega niður þegar yngsta barnið bættist við.

Guðný Helga Herbertsdóttir

þar sem hún leiddi einnig stefnumótun bankans í samfélagsábyrgð. Fyrir það starfadi hún um árabíl sem fréttamaður og þáttastjórnandi hjá 365 miðlum.

„Þetta er búinn að vera ævintýrlegur tími hjá Landspítalanum og það eru forrétindi að fá tækifæri til að kynna þjóðarsjúkrahúsinu eins vel og ég hef gert. Ég hef séð hluti og kynnst hlutum sem ég hefði annars ekki haft tækifæri til. Fólk sem vinnur í heilbrigðisgeiranum gerir það vegna hugsjónar og það verður öðruvísi ástríða í því,“ segir Guðný Helga.

Frá því að hún tók við starfinu á Landspítalanum hefur margt gengið þar á, hún segist þó ekki fara vegna

mikils álags. „Ég hef alltaf valið mér þannig störf að það sé mikið að gera hjá mér. Ég var viðskiptablaðamaður í hruninu, ég vann hjá bönkunum eftir hrun og vann hjá Landspítalanum í gegnum verkföll. Álag á ekki illa við mig,“ segir hún.

Maður Guðnýjar Helgu er Pétur Rúnar Pétursson flugstjóri og eiga þau samtals fjögur börn. „Við erum með börn á öllum skólastigum í Garðabæ, þannig að það má segja að við séum að nýta útsvarið sem best,“ segir Guðný Helga kímín.

Után vinnunnar fer því mikill tími í fjölskylduna. „Við erum með litla stelpu sem er þriggja ára þannig að það sem við gerum í frítíma okkar er mjög mikið fjölskyldutengt. Við höfum spilað mikið golf í gegnum tíðina, en forgjöfin fór hressilega niður þegar yngsta barnið bættist við. Svo höfum við farið á skíði og verið dugleg að ferðast. Einnig finnst okkur voða gott að hitta vini okkar, borða góðan mat og drekka gott vín,“ segir Guðný Helga.

saeunn@frettabladid.is

Endurreisn alþjóðahagkerfisins of hæg

Í nýrri skýrslu spáir Alþjóðagjald-eyrissjóðurinn auknum hagvexti á næsta ári. AGS telur að hagvöxtur muni nema 3,4 prósentum árið 2017, samanborið við 3,1 prósent árið 2016. AGS varar þó við veiklyndi í alþjóðahagkerfinu.

Í frétt BBC um málið segir að AGS spái því að ákvörðun Breta um að yfirgefa Evrópusambandið muni hafa gríðarleg áhrif á næsta ári og hefur lækkað hagvaxtarspá sína fyrir Bretland um helming, niður í 1,1 prósent.

Aukinn hagvöxtur í Japan, Þýskalandi, Rússlandi og Indlandi mun þó vega á móti minni hagvexti í Bandaríkjunum, að sögn sjóðsins.

Í skýrslunni er varað við lélegum gangi hjá hagkerfum heimsins þar sem veikur vöxtur geti leitt til minni fjárfestingar og minni framleiðni, og það geti bitnað á mannaúti.

AGS hefur í dag minni áhyggjur af Kína en áður, að minnsta kosti til skamms tíma lítið. Vöxtur hefur



AGS telur að hagvöxtur muni nema 3,4 prósentum árið 2017, samanborið við 3,1 prósent árið 2016. FRÉTTABLAÐID/ANTON BRINK

verið stöðugur þar í landi. Hins vegar er varað við langtímaáhrifum af skuldum kinværskra fyrirtækja.

Forsvarsmenn AGS óttast orðræðu Donalds Trump, forsetaefnis Repúblikanaflokksins í Bandaríkjunum,

hvað varðar andstöðu við friverslunarsamninga. Í skýrslunni segir að það að bakka til fyrri tíma hvað varðar viðskipti geti einungis ýtt undir og framlengt stöðunni í hagkerfi heimsins. – sg

Lítill minnihluti
stjórnenda er
berdreyminn.

Gallup er fyrir alla hina.

GALLUP
TIL AÐ VERA VISS



2016



Í OPINNI
DAGSKRÁ Á
STÖÐ 2

KOSNINGARÆTTIR Á STÖÐ 2 KL. 19:10 ÞRIÐJUDAGA OG FIMMTUDAGA FRAM AÐ KOSNINGUM

ALÞINGISKOSNINGAR 2016



Heimir Már Pétursson og Höskuldur Kári Schram ræða við formenn allra flokka í hverju kjördæmi fyrir sig og fara yfir kosningamálin fyrir komandi þingkosningar.

11. OKTÓBER
Norðvesturkjördæmi

13. OKTÓBER
Norðausturkjördæmi

18. OKTÓBER
Suðurkjördæmi

20. OKTÓBER
Suðvesturkjördæmi

25. OKTÓBER
Reykjavíkurborg

27. OKTÓBER
Landið allt





Ráðgjafar Athygli ásamt Söru Alsen, framkvæmdastjóra Burson Marsteller á Norðurlöndum.

Athygli alþjóðavæðist

Athygli hefur gerst samstarfsaðili almannatengslafyrirtækisins Burson Marsteller sem er eitt stærsta fyrirtækið á því sviði á heimsvísu með 73 skrifstofur og 85 samstarfsaðila sem samanlagt starfa í 110 ríkjum í sex heimsálfum.

Haft er eftir Kolbeini Marteinsyni, framkvæmdastjóra Athygli, að með samstarfinu fái fyrirtækið sterkari ásjúnd meðal erlendra aðila sem vilji kynna sig á Íslandi og veiti að sama skapi íslenskum viðskiptavinum aðgang að viðtækari miðlum upplýsinga á heimsvísu.

Saga Burson Marsteller spannar yfir 60 ár og félagið þjónustar mörg af stærstu fyrirtækjum samtímans sem eru leiðandi á sínu sviði. Athygli var stofnað árið 1989 og er í dag stærsta almannatengslafyrirtæki landsins.

Hlutabréf hækka

Vikan í Kauphöll Íslands byrjaði með látum. Úrválsvísitalan hækkaði um líðlega 2,5% tvo daga í röð eftir skarpa lækkun í lok vikunnar. Icelandair Group hækkaði mest í gær, en félagið lækkaði mest allra félaga á föstudag, en hefur unnið þá hækkun til baka og gott betur.

JÓHANN GUNNAR
JÓHANSSON



Nýr framkvæmdastjóri fjármálasviðs

Ólgerðin Egill Skallagrímsson hefur ráðið Jóhann Gunnar Jóhannsson sem framkvæmdastjóra fjármálasviðs fyrirtækisins. Jóhann Gunnar starfaði áður sem fjármálastjóri og aðstoðarforstjóri Icelandic Group en þar á undan starfaði hann meðal annars hjá Bakkavör og Íslenskri erfðagreiningu sem forstöðumaður á fjármálasviði.

Jóhann Gunnar er löggiltur endurskoðandi og viðskiptafræðingur frá Háskóla Íslands.



18.342

STIG

FTSE 250 vísitalan í Bretlandi mældist 18.342 stig við lokun markaða í gær og hefur aldrei verið hærrí. Í gær hækkaði hún um 158 stig eða 0,9 prósent. Vísitalan nær til 250 stærstu fyrirtækja Bretlands. FTSE 100 náði 17 mánaða hæð í gær, þrátt fyrir að gengi pundsins mældist í 31 árs lægð gagnvart bandaríkjadal.

25%

TEKJUSKATTUR

Framsóknarflokkurinn vill koma á 25 prósentu tekjuskatti upp að 970 þúsund krónum. Í Kastljósinu á mánudagskvöld sagði Sigurður Ingi Jóhannsson, formaður flokksins, að ef allir borguðu 25 prósentu tekjuskatt upp að 970 þúsund krónum, 43 prósent umfram 970 þúsund krónum, væri hægt að ná fram sömu tekjum í ríkissjóð og í dag en einnig auka hagsæld og jöfnuð.

3.10.2016

Fyrir frjalslyndan flokk sem vill stuðla að breytingum er ekki eftir miklu að slægjast í samstarfi við flokka sem líta á það sem meginhlutverk sitt að standa vörð um óbreytt ástand í þessum málaflokkum.

Þorsteinn Vígundsson



RAGGA GRÖNDAL Í HÁSKÓLABÍÓ 15. OKTÓBER

Ragnheiður Gröndal er ein ástsælasta söngkona og tónhöfundur þjóðarinnar. Hún heldur sérstaka hausttónleika í Háskólabíó þann 15. október, þar sem hlýleg íslensk vetrarstemning ríkir og seiðandi rödd Ragnheiðar nýtur sín til fulls.



Efnisskráin er tvískipt og fyrir hlé flytur Ragnheiður rammíslensk þjóðlög ásamt sérstakri þjóðlagasveit sem sett var saman af þessu tilefni. Eftir hlé munu svo allar helstu perlur Ragnheiðar fá að hljóma, sem hafa fyrir löngu öðlast sinn sess í hjörtum þjóðarinnar, eins og *Ást*, *Með þér*, *Þú bíður allavegana eftir mér*, *Tvær stjörnur*, *Það styttir alltaf upp*, *Flowers in the Morning* og ótal fleiri.

Ekki missa af ógleymanlegri stund með Ragnheiði Gröndal. Tryggðu þér miða á midi.is.

Hljómsveit fyrir hlé: Ragnheiður Gröndal, söngur og píanó. Guðmundur Pétursson, gítar. Haukur Gröndal, blásturshljóðfæri. Stefán Örn Gunnlaugsson, hljómborð. Claudio Spieler, slagverk.

Hljómsveit eftir hlé: Ragnheiður Gröndal, söngur. Jón Ólafsson, píanó & hljómborð. Guðmundur Pétursson, gítar. Róbert Þórhallsson, bassi. Birgir Baldursson, trommur.